



Jørn Ø. Sunde under den svært interessante temakvelden i Uskedal kyrkje. No kan vi høyre han på Moster neste søndag.

Styret for Moster Amfi – og Kyrkehistoriske Senter AS har vedteke å arrangera det fyrste offentlege seminaret for Moster 2024 – Kristenretten søndag 29.05.16 kl. 15.00 i Amfisalen. Ein ser for seg at dette seminaret vert eit årleg arrangement på veg til riksjubileum i 2024. Uskedelingen Jørn Øyrehagen Sunde, professor ved det juridiske fakultetet, Universitetet i Bergen, vert føredragshaldar.

Som den særdeles dugande formidlaren Jørn Øyrehagen Sunde er, er nok føredraget svært interessant for mange. Vi kvinnheringane fekk ein god forsmak då han heldt føredraget **'Dei 10 bodorda - Gud og mennesket i periodar med store samfunnsendingar'** på temakvelden i Uskedal kyrkje i byrjinga av mars. Det var svært mange lovord å høyra etter den kvelden. Temaformuleringa hans på Moster er **'Frå Sinai til Siggjo. Gud og menneske i fortid og framtid.'**

Det vert også musikk ved Barbro Høyland Andersen, fløyte, og Bjarte Aadland, piano. Det vert helsing ved Beate Husa, leiar i Utval for kultur, idrett og regional utvikling. Svein Arne Theodorsen vert møteleiar.

Det er 90 plasser på **Moster 2024 - seminaret**, mange har meldt at dei ynskjer å ta del, så arrangørane rår til at ein er snar med å melda seg på. Påmelding og meir informasjon finn de ved å [klikka inn her](#).

Elles nemner vi at Mostraspelet er heilt nytt i år. Det heiter 'I slik ei natt' og er av Svein Tindberg. Dette vert sett opp av Bømlø teater både fredag, lørdag og søndag kl.18. Det er også gudsteneste i Moster amfi om søndagen kl.15.

Det ligg altså godt til rette for ein svært innhaldsrik og interessann søndag for dei som legg turen til Moster 29.mai!

Tekst: Svein Arne Theodorsen/Thor Inge Døssland

Arkivfoto: Ola Matti Mathisen

Nett: Thor Inge Døssland